

# **JUGIZITIG**

DE FRESHI NEWSLETTER USDE HOOD



## **S`NEUSCHTE:**

Umfrag zum O2

Aktuells

Ussicht

SEITE 2

SEITE 3

SEITE 4



Euses O2 isch en Zuefluchtsort für die Jugendliche vo Obfelde und Ottenbach. Bi eus sellmer sini Freiziit chönne sinnvoll gstelle und de Ustusich mit glichgsinnete und glichaltrige gniesse. Aber wie gsend das die Jugendliche selber? Gfallts ne im O2? Wenn ja was denn? Und müsst mer öpis ändere? Dene Frage hemmer welle ufe Grund ga und hend drum direkt nachgefragt....

## WIESO CHUNNSCH DU IS O2?

- Weils Spass macht
- Weil mer sich da trifft
- Weil mer sounde chan
- Mer cha gmeinsam öpis erlebe
- Isch halt eifach COOL!!!!
- Isch geil zum chille
- Zum ufwärme im Winter
- Weil ich im Betrieberteam bin
- Zum Autoputze (Geld)



## WAS ISCH NICE AM O2?

- D`Musikalag
- D`Bar
- S`Team
- De Chillegge
- Tuana (Hund von Pädi)
- Es hed dusse und dinne Orte zum chille
- Langi Öffnigsziite
- Es git Esse und Trinke
- D`Lüt sind nett
- Es isch guet igrichtet
- Priise sind guet
- D`Musik
- De Billardtisch

## "ISCH HALT EIFACH COOL"

## WAS WÜRSCH AM O2 ÄNDERE ?


- D`Lüt wegschicke wo motzed weg de Musik
- Günstigeres Esse und Trinke abiete
- Fehlendi Bilder ufhängge
- Längeri Öffnigsziite vor allem im Sommer
- S`O2 sell am Samstag au offe ha
- Bim erste Mal is O2 cho es gratis Getränk becho wär cool
- Nix
- Vandalismus verhindere
- Security astelle
- Neui Möbel zuetue
- Gamingzimmer irichte





## DE TREFF ISCH GUET BSUECHT!

Im Momänt isch de Treff sehr guet bsuecht.. Zwische 20 und 30 Jugendliche trüffed sich im Momänt am Mittwoch und Frittig im O2. Au de Mittelstufe Träff in Ottebach darf ähnliche Zahle verbueche. Mer freued eus immer wenn ihr da sind!  
Danke fürs treue erschiine.



## MITTELSTUFE DISCO OH YEAH!!

D` Mittelstufe Disco vom Frittig 08.04.22 isch en volle Erfolg gsii. Friedlich isches zue und her gange mitere tolle und usglassene Stimmig. Euses Betriiberteam hed a dem Obig e super Isatz gleichtet und aktiv zumene glingende Alass bitteid. Danke villmol! Über 60 Viert- bis SechstklässlerInne hend dMittelstufedisco dasmol bsuecht. Mer freued eus bereits ufs nächschte Mol.

# THANKYOU

## TAG DER OFFENEN TÜR IM MITTELSTUFETREFF OTTEBACH

Am Samstag 09.04.22 und am Mittwoch 13.04.22 sind in Ottebach dTäg vode offene Türe gsii. Leider hend eus nid sovill Mamis und Papis bsuecht. Umso meh heds eus gfreut das de/die eint oder ander vode MittelstüflerInne verbicho isch zum eus Gsellschaft leischte.





## O2 UNTERWEGS

Au de Summer werdemer wieder mit eusem Mobil uf verschiedene Plätze in Obfelde und Ottebach unterwegs sii. Mer freued eus ufne cooli Ziiit mit Spiili und guete Gspräch. S` Projekt startet im Summer 2022 erneut.



## GRAFFITTI WORKSHOP

Hesch luscht zum lehre Spraye? De nöchschti Graffiti Workshop isch ide Planig. Dasmol muesmer sich amälde zum mitmache. Für witeri Infos und en Flyer meld di bi öperem vom O2 JUGEND Team.



## KLASSERUNDGÄNG

Für die sächste Klasse vo Obfelde und Ottebach stönd wieder d`Klasserundgäng für de Sekträff im O2 Obfælde vor de Tür. Ihr wärdet vo eurare Lehrperson erfahre wenn ihr eus chömid cho bsueche.

